

पाठ २८

1. मोसा देखलक जरटरहल झफटी काजे भस्म हुइल नि रह ?
 - काजेकि परमेश्वर ऊ झफटीमा रहल ।
2. परमेश्वर काजे जरटरहल झफटीमा रहल ?
 - काजेकि परमेश्वर मोसाकेसँग इस्रेलीहुकनक बारेमा बात करक चहठ ।
3. इस्रेलीहुँक कसिन जरटरहल झफटी जस्ट रहल ?
 - जस्टक ऊ आगी ऊ झफटीहन जलइठ चहठ वस्टक नै फारो व भुट्टवाफे इस्रेलीहन जराइक चहठ ।
 - जस्टक परमेश्वर जरटरहल झफटीमा रहल वस्टक नै वहाँ इस्रेलीहुकनसे रहल ।
4. परमेश्वरके मै हुँ कहना नाउँक अर्थ का हो ?
 - याकर अर्थ यिहे हो कि परमेश्वरके कोनो आदि नि हो ।
 - परमेश्वरके कोनो अन्त नि हुइट ।
 - परमेश्वर सद्ध रहठ ।
 - परमेश्वर नि रहलक कोनो समयफे नि हो ।

5. का परमेश्वरहन फारो इस्रेलीहुँक्र मिश्र छोर्क सजिलोसँग जाइ न देहना कोक थाहा रहलिन् ?
- थाहा रहलिन् ।
6. परमेश्वर मोसाहन इस्रेलीहुकनके बद्धरिया चुन्लक पहिल चिन्ह का रह ?
- मोसा मन्त्र करक लठ्ठी फकइलक सप्वा बनल व फेर लठ्ठी बनल ।
7. परमेश्वर मोसाहन इस्रेलीहुकने बद्धरिया चुन्लक द्वासर चिन्ह का रह ?
- मोसा अपन हात गोजीमा धर्लपाछ कुस्टि लागक उज्जर हुइल फेर ऊ अपन हात गोजीमा धर्लपाछ वाकर हात जस्तक तस्त हुइ ।
8. फारोसँग कुरा कर मददत कर्ना परमेश्वर किहिन खटइल ?
- हारुन जे मोसाक डाडु रहल ।
9. परमेश्वर इस्रेलीहुकन काजे दासत्वमासे मुक्त कर चाहठ ?
- काजेकि परमेश्वर हुकन माया करठ व हुकन हवाँ हुकनके दासत्वमा बाचतर हल नि चहल ।

- काजेकि परमेश्वर अब्राहामकेसँग वहाँ हुकन मिश्रमासे निकारक कनानमा फेर लैजाइम कोक प्रतिज्ञा करल रहल ।
- काजेकि परमेश्वर अब्राहामकेसँग इस्रेलीहुँक्रद्वारा वहाँ उद्धारकर्ता पठइही कहना प्रतिज्ञा करल रहल ।

- परमेश्वर यी प्रतिज्ञा मोसाकेसँग फे कायम रखल व हुँकार सहयोगके निम्ति हारुनहन खटाइल रहल ।

प्रस्थान ४:२७-२८ पढी

परमप्रभु हारुनकेसे बात करल रहल । परमप्रभु हुकहिन कहलरहल टु मरुभूमिमा जाऊ अनि मोसाहन भेटो । यसर्थ हारुन गइल अनि परमेश्वरके पर्वतमा मोसाहन भेटल अनि मोसाहन चुम्मा देल । मोसा हारुनहन बतइल काजे परप्रभु वहाँहन पठइल अनि कोन चम्तकार व संकतहुँक्र प्रमाणके निम्ति हुकहिन देखाइपर्ना रहलिन ऊ सक्कु मोसा हारुनहन बतइल ।

- दोसपाछ मोसा व हारुन मिश्रओहर लगल ।
- जब मोसा व हारुन मिश्रमा पुगल हुँक्र इस्रेलीहुकन जम्मा कर्ल व मोसाहन परमेश्वर कहलक सक्कु बात हुकहिन सक्कु कहल ।

प्रस्थान ४:२९-३१ पढी

यसर्थ मोसा व हारुन गइल अनि हुँक्र इस्रेली मनइनके सक्कु अगवाहुकन जम्मा कर्ल । दोसपाछ हारुन मनइनके सँग बात कर्ल । ऊ परमप्रभु मोसाहन कहलक सक्कु बात हुँक्रहिन बतइल । दोसपाछ मनइहुकन देखाइनक निम्ति सक्कु प्रमाण प्रदर्शन कर्ल । मनइहुँक्र विश्वास कर्ल कि परमप्रभु नै मोसाहन पठइल । इस्रेलके मनइहुँक्र थाहा पाइल परमप्रभु हुकनक दुख व कष्ट बुझलबाट अनि हुकनक सहायताक निम्ति आइल बाट । यसर्थ हुँक्र निहुरक परमेश्वरके आराधना कर्ल ।

1. का इस्रेली हुँक्र परमेश्वर मोसासँग कर्लक बातमा विश्वास कर्ल ?
 - हो कर्ल ।
2. इस्रेली हुँक्र परमेश्वरके वचनमा विश्वास कर्ना काजे मजा बाट रह ?

- काजेकि परमेश्वर केलहक इस्रेली हुकन बचाइ सेकठ ।
 - काजेकि परमेश्वरके वचन केहलक इस्रेली हुकन बचाइ स्याकठ ।
3. यदि हम परमेश्वरके वचनमा विश्वास नि करठ कलसे हम परमेश्वरहन का कहीं ?
- एकठो झूठ मनइया ।
4. का परमेश्वरके वचनमा विश्वास नि कर्ना व्यक्तिहन परमेश्वर बचइठ ?
- नि बचइठ ।
 - यदि हम परमेश्वरके वचनमा विश्वास नि कर कलसे हमन बचाइ नि सेकही ।
 - परमेश्वर टुरह वहाँक वचन सुनक चहठ ताकि टुरह बजाइजाइ ।
 - केवल परमेश्वर केलहक हम बचाइ सेकही ।
 - केवल परमेश्वरक वचन केहलक हम बचाइ सेकही ।
 - जब मोसा व हारुन इस्रेलीहुँककसँग बात करसेकल पाछ हुँक फारोक सँग बात कर दरबारमा गइल ।

प्रस्थान ५:१-२ पढी ।

मनइहुँकनकेसँग बात कर्कसेकपाछ मोसा व हारुन फारोकहाँ गइल । हुँक्र कहल परमप्रभु इस्रेलीहुकनक परमेश्वर कहल म्वार मनइहुँक्र भरुभूमिमा जाइही अनि हुँक्र म्वार सम्मानमा भोज मनइ सेकही । तर फारो कहल परमप्रभु के हुइट ? मै काजे वहाँक आज्ञा पालन कर परी । मै काजे इस्रेलीहुकन जाइ देह परी । मै यी परमप्रभु के हुइट नि चिन्ठु अनि मै इस्रेली हुँकन जाइ नि देहम ।

5. जब मोसा फारोसँग परमेश्वर हुकन इस्रेलीहन छोइहदल कहलक बात कहल त फारो का जवाफ देहल ?
 - फारो कहल मै परमेश्वरहन नि चिन्ठु व इस्रेलीहुकन जाइफे नि देहम ।

6. फारो काजे परमेश्वरहन नि चिन्ठ ?
 - काजेकि फारो परमेश्वरहन चिन नि चाहठ ।
 - कजेकि फारो परमेश्वरमा विश्वास कर नि चाहठ ।
 - काजेकि फारो पापहन माया करठ ।
 - फारो व मिश्रक हुकनक प्रजा परमेश्वरमा विश्वास नि करठ ।

- फारो व मिश्रक हुँकार प्रजा हुकनक देशमा हुइलक लम्मा खोल्वाहन पूजा करठ ।
- फारो व मिश्रक हुँकार प्रजा डिन जोन्हया व ताराका साथै अउर ढेर जनावरके पूजा करठ ।
- मिश्रक मनइहुँकर फारोहन फे भगवानके रूपमा पूजा करठ ।
- फारो व मिश्रक हुँकार प्रजा परमेश्वरहन पूजा करके साट परमेश्वर बनाइलक चिजहन पूजा करठ ।
- फारोके समयमा ढेर मनइहुँकर परमेश्वरके सत्यहन विश्वास करना इन्कार कर्ठ ।
- आचकाल फे ढेर मनइहुँकर परमेश्वरके सत्यहन विश्वास करना इन्कार कर्ठ ।
- काजेकि ढेर मनइ परमेश्वरके सत्यहन विश्वास कर्ना इन्कार कर्ल ओहरसे परमेश्वर हुँकरहन भुट्टवनके छलमा पर देहलबाट ।
- भुट्टवा मनइहन छल कर्ठ व हुँकरहिन परमेश्वरबाहेक सक्कु थोकके पूजा कर्ठ ।
- काजेकि ढेर मनइहुँकर परमेश्वरके सत्यहन विश्वास कर्ना इन्कार कर्लक ओहरसे परमेश्वर अब्राहाम हन इस्लेली हुकनक बाबा हुइट चुन्ल ।

- परमेश्वर अब्राहाम व इस्रेलीहन उद्धारकर्ता पठइना चुन्ल ।
- परमेश्वर वहाँक सत्य किटाबमा लेखकलाग चुन्ल जे वहाँ अब्राहाम व इस्रेलीद्वारा लेखल रहल ।
- परमेश्वरके किटाबके नाउँ बाइबल हो ।

7. का परमेश्वरहन फारो इस्रेलीहन मिश्र छोरक जाइ नि देहो कोक थाहा रहलिन् ?

- थाहा रहलिन् ।
- परमेश्वरहन सक्कु बात हुइनासे पहिल थाहा रहठिन् ।
- फारो इस्रेलीहन जाइ देहना इन्कार करलपाछ परमेश्वर मोसाहन का कहल आऊ थाहा पाइ ।

प्रस्थान ६:१ पढी

तब परमप्रभु मोसाहन कहल अब टुरह हेरबो फारोहन मे का कठु । मै अपन महाशक्ति वाकर विरोधमा चलाइबु अनि ऊ म्वार मनैहुकन जाइडिही । हुकन पठाइनक निमित्तफारो अत्र ब्याकुलु हुइकि ऊ हुकन जबरस्ती पठाइबी ।

8. परमेश्वर काजे वहाँक महान् शक्ति मिश्रके फारो व मिश्रीहन देखइना निर्णय करल ?

- ताकि हुँक थाहा पड़हिन कि वहाँ केलहक साँचो परमेश्वर हुइटु ।
- परमेश्वर फारो व मिश्रीहन यी देखइना निर्णय करल रहल कि हुकनके महानदी भगवान नि हो ।
- परमेश्वर फारो व मिश्रीहन यी देखइना निर्णय करल रहल कि डिन जोन्हया व ताराहुँक भगवान् नि हो ।
- परमेश्वर फारो व मिश्रीहन यी देखइना निर्णय करल रहल कि हुकनक ढेर जनावरहुँक भगवान् नि हुइटु ।
- परमेश्वर फारो व मिश्रीहन यी देखइना निर्णय करल रहल कि फरो भगवान् नि हुइटु ।
- परमेश्वर इस्रेलीहन फे अपन शक्ति देखइना निर्णय करल रहल इहेकारणले कि हुँकफे परमेश्वर ने परमेश्वर बा कोक जनही ।

प्रस्थान ६:२-८ पढी

तब परमेश्वर मोसाहन कहल । मै परमप्रभु हूँ ।
अब्राहाम इसहाक व याकुबके आघ प्रकट हुइल रहनु ।

हुँक़ महीन एल सिद्दाइ कहल । हुँक़ म्वार नाउँ यहोबा
कोक जन्ल । मै हुकहिन करार बँधल । मै हुकहिनसे
बसोबास कर्ना कनान धर्ति देहम कोक प्रतिज्ञा कर्नु ।
हुँक़ ऊ भूमिमा बैठल तर ऊ धर्ति हुकनक अपन नि
रहलिन् । इस्रेलीहुँक़ पीरलेक चिल्लाइलक मै सुनलबाटु
। मै जान्ठु इस्रेलके मनइहुँक़ मिश्र देशके दास हुइट ।
अनि मै म्वार करार सम्झना करम । यसर्थ ऊ इस्रेलके
मनइहन कह । मै परमप्रभु हुँ मै टुरहिनके मिश्रीद्वारा
जबरजस्ट लगइलक काममासे मुक्त करह । मै टुरहिन
दास्तवमासे स्वतन्त्र करम । मै यिहिन म्वार
महाशक्ति अनि महान्यायले करकलाग बाटु । टुहर
म्वार मनइ हुइबु अनि मै टुनहक परमेश्वर हुइबु । मै
परमप्रभु टुनहक परमेश्वर हुँ व टुरहनके मै मिश्रक
मनइनसे स्वतन्त्र पारवक थाहा पाइबु । मै इसहाक
अब्राहाम याकुबसे महान प्रतिज्ञा करल रहनु । मै हुकन
एकठो देश देशम कोक वचन देहल रहनु । असिक
कारणसे मइ टुरहिन ऊ देशमा अन्लनु । मै ऊ देश
टुरहिनके देनु व ऊ देश टुरहिनके हुइबु । मै परमप्रभु हुँ
।

- परमेश्वर इस्रेलीहुँकन अपन शक्ति देखइना निर्णय करल रहल ताकि हुँक्रफे वहाँ नै अब्राहाम इसहाक व याकुबके परमेश्वर हुइट कोक जान ।
 - परमेश्वर इस्रेलीहुँकन अपन शक्ति देखइना निर्णय करल रहल ताकि हुँक्र वहाँनै हुकनक परमेश्वर हुइट कोक जनही ।
 - काजेकि फारो इस्रेलीहन नि छोडल वहमाससे वहाँ हुकन अपन महान शक्ति देखइना सुरु कर्ल ।
9. परमेश्वर कसिक अपन महान शक्ति मिश्री व फारोहुकन देखइल ?
- परमेश्वर फारो व मिश्रीहुकनकेउपर महामारीक विपत्ति पठादेल ।
 - पहिल महामारी परमेश्वर मिश्रक महानदीके पानि रगतजस्ट पार्देल ।
 - तर ऊ महामारी इस्रेलीहुकन बसोबास कर्ना ठाउँमा कुछुफे हानि नि करल ।

प्रस्थान ७:२०-२१ पढी

यसर्थ परमप्रभु आज्ञा करलक सक्कु बात मोसा व हारुन कर्ल । हारुन अपन लठ्ठी उठाक नील खोल्वाक पानीमा हिर्कइल । ऊ असिन फारो व हुँकार

अधिकारीक सामनेमा कर्ल । असिन कर्लपाछ खोल्वाक सक्कु पानी रगतमा परिणत हुइल । पानी मछ्छी मुअ लग्ल अनि खोल्वाक पानीमासे सर्डलक गन्ध आइलागल । यसर्थ मिश्रक मनइहुँक खोल्वाक पानी पिए निसेकल । मिश्रमा जहोरतँहोर रगल हूइल ।

- फारो मोसासँग प्लेगके महामारी हटादेऊ कहना आग्रह कर्ल दोसपाछ ऊ इस्लेली हुँकन जाइदेहम कहल ।
- तर जब परमेश्वर प्लेगके महामारी हटादेल तर फारो इस्लेलीहन जाइ नि देहल ।
- द्वासार महामारी वहाँ ब्याङ्गोक महामारी पठइल ।
- फारो व मिश्री जनतानके धरति ब्याङ्गो लेक भरगिल ।
- तर ब्याङ्गोक महामारी इस्लेलीहन नि छुअल ।

प्रस्थान ८:५-६ पढी

तब परमप्रभु मोसाहन कहल । हारुनहन अपन लठ्ठी खोल्वा व टल्वाके उपर धार कहल जस ब्याङ्ग हुँक बाहिर जमिनमा निस्कही ।

यसर्थ हारुन अपन लठ्ठी मिश्र देशक पानीक उपर उठइल अनि सब पानीमासे ब्याङ्गुहँक बाहिर निकरक धर्तिमा भर लगल ।

- फारो मोसाहन ब्याङ्गोक महामारी हटादेना कहल दोसपाछ ऊ हुकहिन जाइ देहम कहल ।
- तर जब परमेश्वर महामारी हटादेल फारो इस्त्रेलीहुकन जाइदेना इन्कार कर्ल ।
- त्यासर महामारी परमेश्वर भुस्कीक महामारी पठइल ।
- फारो व सक्कु मिश्रीक धरतिमा भुस्की भरगिल ।
- तर भुस्किनके महामारी इस्त्रेलीहुकन नि छुअलिन ।

प्रस्थान ८:१६-१७ पढी

तब परमप्रभु मोसाहन कहल । हारुनहन कहो वहाँ अपन लठ्ठी उठाक भुङ्क धुहुरीमा मारो अनि मिश्रमा ओहरतोहर धुहुरी भुस्कीमा परिणत हो जाइ ।

हँक वसिक कर्ल । हारुन धरतिक धुरीउपर अपन लठ्ठी लेक मार्ल अनि धुरी मिश्रक जोहरतोहर भुस्कीमा परिणत हुइल । भुस्की पशु व मनइनमा सर्ल ।

- तर जब परमेश्वर भुस्कीनके महामारी हटादेल फारो इस्त्रेलीहन जाइ देनहना इन्कार कर्ल ।
- चौथो महामारीक रूपमा माछीक महामारी पठादेल ।
- फारो व मिश्री जनताक धरति माछीलेक भर्ल ।
- तर इस्त्रेलीहुकन चाहिँ माछीक महामारी नि छुलिन् ।

प्रस्थान ८:२४ पढी

दोसपाछ परमप्रभु ज्या कहल उहु हुइल । ढेरढेर माछीहुँक मिश्रमा अइल । फारो व हुकनक अधिकारीक घरमा माछीलेक भर्ल । अनि मिश्रदेश भरि नै माछी लेक भर्ल । माछी देश नै नष्ट पारट रहल ।

- फारो मोसाकेसँग माछीक महामारी हटादेना आग्रह कर्ल व पाछ इस्त्रेलीहुकन जाइ देहम कहल ।
- तर जब परमेश्वर माछीक महामारी हटादेल फारो इस्त्रेली हुकन जाइदेहना इन्कार कर्ल ।
- पाँचौं महामारीक रूपमा परमेश्वर जनावर मुना विपत्ति पठइल ।
- मिश्रके सक्कु जनावरहुँक घोर्वा चौपाया भेर्वा उँट्वा व गधा मअल अनि फारोक के फे चौपाया मुअल ।

- तर ऊ विपत्ति इस्रेलीहनफे नि छुअलिन् ।

प्रस्थान ९:६-७ पढी

परमप्रभु ज्या करम कहल ऊ वस्टह कर्ल । अउर दिन बिहान मिश्रक सक्कु पशुहुँक्र मुअल । तर इस्रेलीहुँकनके एकठो फे पशु नि मुअलिन् । फारो अपन मनइहन इस्रेलीहुकनके कोनो पशु मुअलिन् कि नि मुअलिन कोक पता लगइना पठइल । तर इस्रेलीहुकनके कोनो फे पशु निमअल । फारो अट्टेरी रह इस्रेली मनइहुकन ऊ नि जाइदेहल ।

- फारो मनइहन ऊ विपत्ति हटादेना आग्रह कर्ल व पाछ हुकहिन जाइ देहम कहल ।

- तर जब परमेश्वर ऊ विपत्ति हटादेल फारो इस्रेलीहन जाइ देहना इन्कार कर्ल ।

- छैठौं महामारीक रुपमा परमेश्वर खटिराके विपत्ति पठइल ।

- फारो व सक्कु मिश्रीहुँक्रके शरीर खाटीलेक छोपेगेलिन् ।

- तर खाटिक विपत्ति इस्रेलीहन फे नि छुअल ।

प्रस्थान ९:१० पढी

यसर्थ मोसा व हारुन एकठो भट्टीमासे भुइ लेक अइल । अनि फारोके आघ ठरइल । मोसा ऊ भुइ हावामा खसालेद अनि मनइहुँकन व पशुहुकनके छालामा खाटि निस्कलागल ।

- फारो मोसाकेसँग ऊ विपत्ति हटाइदेना आग्रह कर्ल वहपाछ हुकन जाइ देहम कहल ।
- तर जब परमेश्वर ऊ विपत्ति हटादेल हुकनके जाइ देहना इन्कार कर्ल ।
- सातौं विपत्तिके रूपमा परमेश्वर अठ्ठापानीक विपत्ति पठादेहल ।
- अठ्ठापानी मिश्रक सारा धरति ठटइल व फारो व मिश्री जनताक सक्कु बालीनाली व रुख्वा सखाप पारल ।
- तर अठ्ठापानीक विपत्ति इसेलीहुकन नि छुअलिन ।

प्रस्थान ९:२३-२६ पढी

तब मोसा अपन लठ्ठी हावामा ठरइल । अनि परमप्रभु बिजुली गर्जन व अठ्ठापानी मिश्रक उपर पठइल । अठ्ठापानी परल रहल व सँगसँग बड्डीफे चम्कत रह । मिश्र एकठो देश हुइलपाछ यी अठ्ठापानी बरभर रह ।

मिश्रके सक्कु मनइहुँक्र पशु अनि धरतिहन अठ्रापानी ले नष्ट पार्ल । अठ्रापानी खेट्वाक रुखाफे भाँच्देल । अठ्रापानी नि पर्ल ठाउँचाहिँ गोसेन केलहक रहल जाहाँ इस्लेलीहुँक्र बैठठ ।

- फारो मोसाकसँग ऊ विपत्ति हटाइदेहना आग्रह कर्ल व दोसपाछ हुँक्रहिन जाइदेहम कहल ।
- तर जब परमेश्वर ऊ हटादेहल फारो हुकन जाइदेहना इन्कार कर्ल ।
- आठौँ विपत्तिके रूपमा परमेश्वर सलहक विपत्ति चलादेहल ।
- सलहके बथान मिश्रीहुकनके बचलखुचल अनाज सक्कु सखाप पार्देल ।
- तर सलहक विपत्ति इस्लेलीहुँक्र चाहिँ नि छुअलिन् ।

प्रस्थान १०:१३-१५ पढी

यी कारण मोसा अपन लठ्ठी मिश्रदेशउपर उठाइल अनि परमप्रभु पूर्वओहरसे आँधीवेही पठादेल । हवा बेहानहोके सन्ध्यातक चलतरह । जब बेहानु हुइल मिश्रभूमिमा हावालेक सलह आनल । सलहहुँक्र मिश्रदेशमा उड्क अइल अनि धरतिमा बैठल । सलह

मिश्रदेशमा अट्राढेर अन्ल कि अट्राधेर न विगतमा कबु
दयाखल रहल न भविष्यमा नै देखही । ऊ सलहुँक्र
सक्कु जमिन ढक्ल अनि मैदान छोप्ल । अट्रापानी
नष्ट नि पारल सक्कु फलहुँक्र व सक्कु चिज सलह
खइल ।

- फारो मोसाकेसँग ऊ विपत्ति हटाइदेना आग्रह कर्ल व
दोसपाछ हुकहिन जाइदेहम कहल ।
- तर जब परमेश्वर ऊ विपत्ति हटादेल फारो
इस्रेलीहुँकन जाइदेना इन्कार कर्ल ।
- नवौं महामारीके रूपमा परमेश्वर अन्ध्यारके विपत्ति
पठाइल ।
- अन्ध्यार फारो व मिश्री जनताके जमिन पूरा तीन
दिनसम् छोप्लिगल ।
- तर ऊ विपत्ति इस्रेलीहुकन चाहिँ नि छुअल ।

प्रस्थान १०:२१-२३ पढी

तब परमप्रभु मोसाहन कहल तोहार हात उपर वतास्मा
उठाऊ अनि अन्धारलेक मिश्रहन छोप्दिही । अन्धार
अट्रा निष्पट हुइ कि तु इही अनुभव कर्बु ।
मोसा अपन हात उठइल अनि अन्धार लेक मिश्रहन
छ्वापल । ऊ अन्धार मिश्रमा तीन दिनसम् रहल ।

वहाँ केवोफे द्याख नि स्याकठ । तर जहाँ इस्रेली
मनइहुँकर रहल वहाँ अन्धार नि हुइल ।

- फारो मोसाकसँग ऊ विपत्ति हटाइदेहना आग्रह कर्ल
व दोसपाछ हुकहिन जाइदेहम कहल ।

- तर जब परमेश्वर ऊ विपत्ति हटादेहल हुँकर
इस्रेलीहुकन जाइ देहना इन्कार कर्ल ।

10. जहाँ इस्रेली हुँकर बसोबास करठ । वहाँ काजे यी
महामारीलेक नि छुअल ?

- काजेकि परमेश्वर अब्राहाम इसहाक व याकुबके सँग
हुकनक आशिष देहम कोक प्रतिज्ञा करल रहल व
हुकन महान् मनइल बनाइम कोक प्रतिज्ञा करल
रहल ।

- काजेकि परमेश्वर फारो मिश्री जनता व इस्रेलीहन
अउर केहो फे निहो तर वहाँ नै परमेश्वर हुइट कोक
देखइट चहाट ।

- तर असिन डरलग्ना महामारी पाछे फे फारो
इस्रेलीहन जाइदेहना आमिन इन्कार कर्ल ।

- तर असिन डरलग्ना महामारी पाछ फे फारो
परमेश्वरहन मान्ना इन्कार कर्ल ।

11. का फारो परमेश्वरके विरुद्धमा झगरा कर्क जित सेकठ ?
- नि सेकठ ।
12. का केवो परमेश्वरविरुद्ध लडाइँ करक जित सकेही ।
- नि सकेही ।
13. जे परमेश्वरके विरुद्धमा लडँइकरी उहिन का हुइ ?
- हुँक्रहिन परमेश्वर खटम परहिन ।
 - अउर पाठमा हम्र अन्तिम विपत्तिक बारेमा पढबी ।